

# مجموعه سنون

اثر

جمعیت علمیه عثمانیه

---

ایفین پی

نومرو ۱۷

نجدی الاول

---

استانبول

جمعیت علمیه عثمانیه مطبعه سنده طبع اولنشد

۱۲۸۰

(بریتانیا اطهری تاریخ و جغرافیای) (مابعد)

مجموعه مزك پكن دفعه كى نومرو سنده انكلتره دولتك ابتدای  
تشككندن شمديه قدر قاعد مسند حكمرانی اولان سكر خانداك  
دردنچيسندن طقوزنجی حكمدار بولان دردنجی هاری  
زمانه دكین سرزده ساحه ظهور اولان وقوعات مختصراً كشيده  
سلك سطور قلمش ایدی . مومى ایدردنجی هاری سلفك وفاتيله  
بالاستقلال جالس سریر سلطنت و اقبال اولدقد نصكره اكثر  
اوقانده فرانسه واسقوچيا قرالریله محارب بولدرق بوصورتله  
اون درت سنه صندالی نشین قرالی اولوب ۱۴۱۳ سنه سی وفات  
ایتمكه اوغلی بشجی هاری جانشینی اولمشدر . بودخی پدرینك  
اثرینه سلوك ایدرك فرانسه ايله يك چوق محارب له ایدوب عاقبت الامر  
مظهر مظفریت كامله اولمش و همان فرانسه قطعه سنی  
بوسبتون قبضه تصرفنه المش ايسه ده فتوحاتی ارا سنده  
وفات ایتمكه اوغلی النجی هاری هم انكلتره وهم فرانسه قرالی  
عنوانيله سریر سلطنته جلوس ایشدر . فقط بر مدت صكره  
فرانسه قرالی تکرار محاربیه قیام ايله انكلتره غلبه ایدرك  
ملكتنی استخلاصه موفق اولمشدر .

مومی الیه التنبی هاری زمانده مسیوق الذکر او چنی ادوارک  
 دردنبی اوغلی یورق دوقه سی ادموند لانغلینک حفیدی ریشار  
 انکتره تختی ایچون ادعای حقوقه قانقشمسینه انکتره اهایلیسی ایکی  
 فرقه اولوب بریسی مومی الیه التنبی هاری یعنی لانقاستر فامیلیا سی  
 و دیگر یورق دوقه سی فامیلیا سی طرفنی التزام ایدرک فریقین  
 بینده یک چوق محاربات خونریزانه وقوعولمشدر . علامت فارقه  
 اولق اوزره بیراقلرنده لانقاستر فامیلیا سی قرمزی و یورق فامیلیا سی  
 بیاض کل استعمال ایلدکلرندن محاربات مذکوره انکتره  
 تاریخنده ایکی کل محاربه لری اسمیه معروف و مشهوردر . اشبو  
 ایکی فامیلیا میانه سنده مدت مدیده محاربه دوام ایدوب  
 بالآخره ریشار حرص جاهی اغورنده فدای جان ایتدیسده اوغلی  
 دردنبی ادوار مظهر غلبه اوله رق انکتره تختیه جلوس  
 ایش و التنبی هاری بی طوتوب حبس ایلشدر . التنبی هاری  
 محبسده وفات ایتکله مخصوصاً اعدام قلندیغنی ظن اولندیسده کیفیک  
 صورت وقوعی میدانده چیقماشدر . مومی الیه دردنبی ادوار  
 دخی یکر می ایکی سنه اجرای سلطنتدن صکره وفات ایدرک  
 برینه برادری ریشارک وصایتی تختیه اولق اوزره اوغلی بشنبی  
 ادوار اون ایکی یاشنده و ۱۴۸۳ سنه سنده جالس تخت حکمداری  
 اولش ایسده ریشار غدار ککرک مومی الیه بشنبی ادواری  
 و کرک کوچک برادرینی اعدام ایتدیره رک تاج سلطنتی غصب ایله  
 سنه مرقومه ایچنده قاعد صندالی قرالیت اولمشدر . انجی یکنلری  
 حقه بر وجه مشروح وقوعولان معامله غدریه سندن و ذاتاً  
 ظلم و اعسافه زیاده سیله مائل بولندیغندن حقه اهایلیک حاصل اولان

تفر و خصوصتی لاتقاستر فامیلیا سنه قرابت صهریه سی اولان  
 وجدی تودور نامعلوم بر فامیلیا دن بولان هانری تودور فرصت عدا یدرک  
 مومی الیه ریشارک علیهنه قیام ایله طوتوب ~~کندی~~ الیه  
 اعدام ایتش و بدنبی هانری نامیله انکلتزه تختد جلوس ایشدر  
 مومی الیهک بر منوال محرر لاتقاستر فامیلیا سنه ذاتاً مناسبتی اولوب  
 جلوسدن صکره یورق فامیلیا سندن دردنبی ادوارک قزی الیرابی  
 دخی تزوج ایتکله ایکی فامیلیا حقوقی برلشدیروب مسبوق الذکر  
 ایکی کل محاربانده نهایتبخش اولمش و بوضورتله انکلتزه تخت  
 سلطنتی دخی تودور خاندانه انتقال ایشدر

مومی الیهک اوائل سلطنتنده (سینل) و (ویلفورد) و (برکن) نامنده  
 اوچ کشی ظهور ایدرک هربری بر درلوداعای کاذبه حقوق وراثت  
 دعوا سنه قالشیشلرایسده یدنبی هانری اوچنده غلبه ایدرک  
 بوندن صکره اسایش اوزره اجرای سلطنت ایش و زیاده سیله  
 حریص و طمعکار اولدیغندن یکرمی درت سنه ممتد اولان مدت  
 سلطنتنده خزائن بیشمار جمع و ادخار ایشدر و ۱۵۰۹ سنه سی  
 وفات ایتکله اوغلی سکرنبی هانری جانشینی اولمشدر . سکرنبی  
 هانری اوائل سلطنتده خیلی وقت فرانسه واسقوجیا قرالریله محارب  
 بولمش ایسده فرانسه علیهنه وقوعبولان محاربانه مکرراً مظفر  
 اوله رق شهر فلیجه عقد مصالحه ده موفق اولمش واسقوجیا قرالی  
 دردنبی ژاق دخی بر محاربه ده مغلوباً و مجروحاً وفات ایش  
 اولمغله اواخر سلطنتی غائله حریبه سز مرور ایشدر . مومی الیه  
 شهوات نفسانیه سنه زیاده محکوم اولدیغندن حرمنده کتخدا قادی  
 مقامنده بولان (آنبولیس) نام خاتونه علاقه ایدرک اقتضای مقامی

اصلاً دوشنبوب حلیله سی قترینه بی تطایق ایله مومی البهانی تروج  
ایتمک ایستش ایسه ده پاپا موافقت ایتمدیکندن یالکز اشبوزوجه  
خصوصنده اولوق اوزره پروتستان مذهبیه اقتدا ایدرک اجرای  
مقصدینه ظفریاب اولمشدر . فقط زوجده جدیده سیله  
او یوشده مدیغند درت سنه صکره مومی البهانی زنا ایله اتهام ایدرک  
اعدام ایتمش و بوندن صکره زوجدر ینک کیمنی تطایق و کیمنی اعدام  
ایدرک بر برینی متعاقباً درت دفعه دهها تأهل ایشدر . مومی الیه ۱۵۴۴  
سنه سی وفات ایتمکله اوغلی انتجی ادوار قاعده مسندقرالی اولمشدر .  
انتجی ادوار حین جلوسنده اون یاشنده اولدیغندن بر مجلس  
وصایت تشکیل اولنهرق امر حکومت مجلس مذکوره تفویض  
اولندی . انکلتزده پروتستان مذهبیک ترویجته پدری باشلامش  
اولدیغندن مذهب جدید طرفدارلری قرال مومی البهانی پروتستان  
آیینی اوزره تربیه ایدرک بوجهته انکلتزده حکومت پروتستان  
مذهبیه اقتدا ایش اولدی . مومی الیه انکلتزده قانونی اقتضاسیجه  
سن رسیده واصل اولمق سزین ۱۵۵۳ سنه سی وفات ایتمکله یرینه  
بعض متعینانک سوقیله خاندان قرالی یه قرابتی اولان سوفولق دوشمنک  
قرزی ژانغری اجلاس اولمش ایسه ده بر قاج ای صکره تخت  
سلطنتک وارثه صحیحده سی و قرال متوفانک همشیره سی ماری  
تدارک ایتمدیکنی طرفدارانک معاونه ایله استخلاص حقوقده موفقه  
اولهرق سنه مر قومدا یچنده جالسه سریر سلطنت اولمش ورقیبه سنی  
طوتوب اعدام ایشدر . مومی الیه ماری قتولک مذهبیه متمسکه  
اولدیغندن انکلتزده قتلک مذهبیک یکیدن محکیم و ترویجینه  
صرف مساعی ایله پروتستانلر حقنده یک حقوق مظالم و تعذبات

اجرا ایتمش و بویولده خیلی ادم قتل و اعدام ایدوب حتی بعض  
پروستان معتبرانی احراق بالنار دخی ایلشدر. جلوسندن بش سنه  
صکره بلا و وفات ایتمکله یرینه همشیره سی الیرا بت جالسه مسند  
حکمرانی اولمشدر.

مومی الیه اعلیه ومد بره برملکه اولدیغندن ومدت سلطنتی خلیجه  
امتداد ایلدیکنندن دولتک قوه بحریه و بریه سنک تنظیم  
وتکثیرینه وزراعت و تجارتک ترقی وتوسیعنه خیلی همت ایتمش  
ایسده پروستان مذهبیه مقتدی و غایت متعصبه اولغله قتولیک  
مذهبیه بولنانلری کاملاً محو و ازاله ایله انکتره بلادینک کافه سنه  
پروستانلغک نشر و تعمیمه حصار افکار و قتولیکر حقنده فوق الغایه  
اجرای ظلم و اعسافه ابتدار ایدرک بویا بده همشیره سنک  
پروستانلر حقنده اجرا ایلدیکی مظالم درجه سنی تجاوز ایلشدر.  
انکتره ده پروستانلغک کمالیه تأسس وتقدیری بونک زمانده  
حصولیدیر اولمشدر. مومی الیه متأهله اولدیغندن کندوسنه  
خلف اوله حتی اولادی بولندیغی جهته ستوار خاندانندن  
اولوب قرابت صهریه مناسبله انکتره تختنده حقوقی بولنان  
اسقوچیا قرالی النجی ژاقی ولی عهد تعیین ایلمش ایدی ۱۶۰۳  
سنه سی وفات ایتمکله یرینه مومی الیه برنجی ژاق عنوانله  
جلوس ایتمش و بوضورتله انکتره تختی ستوار خاندانه انتقال  
یدرک انکتره ایله اسقوچیا و ایرلانده غران بریتانیا حکومتی نامیه  
مومی الیه برنجی ژاق زمانده حکومت واحده یه منقلب اولمشدر.  
مومی الیه برنجی ژاق دخی قتلواکله خصم اولدیغندن هر قدر سلفی  
درجده سنه قدر کنماش ایسده قتولیکر بونک زمانده دخی

از ظلم و اعتساف کور مامش لر در پارلمنتونک رأینه مراجعت  
ایتمکسزین صورت مطلقه ده اجرای سلطنت ایتمک یولنی اجدیغندن  
خلفی زمانده وقوعه کلان اختلال عظیمک تخمینی بواکوب گمشدر  
مومی الیهک اداره مملکجه اهلیت و معلوماتی اولوب فقط علم مافوق  
الطبیعه ده و علم الهیده زیاده مهارتی وار ایدی ۱۶۲۵ سنه سی  
وفات ایتمکله یریشه اوغلی برنجی شارل جلوس ایلدی مومی الیه  
پدرندن کور دیکی تربیه اقتضا سنجه انکله نیک حکومت مشروطه  
اصولنه کیردیکنی طایع یوب اسلافی طرفندن قبول اولسان شرائط  
اساسیه حکومت فتوه اعطا اولنش برطاق امتیازات و مساعدات  
قیلندندر حکمدار ایسترسه رعایت ایدر ایسترسه فسخ ایدر  
حکمداراق مجرد قبل الهیدن براحسان مخصوص اولوب تبعه نیک  
افعال و حرکات حکمداره دخل و تعریضه حتی یوقدر افکارنده  
بولندیغندن پارلمنتو بی یوق حکمنه قویه رق صورت مطلقه ده اجرای  
حکومه باشلامش و فرانسه و اسپانیا علیهنه وقوعه بولان محاربه لرده  
مغلوب اولدق مضایقه شدیدیه دوچار اولوب بونک دفعی ایچون  
دخی اهالی یه برطاق تکالیف ثقیله تحمیل ایلش ایدوکنندن  
هر طرفده اثار عصیان نمایان اولسایله و قرال ایله پارلمنتو بیننده  
پک چوق کشاکش وقوعندن صکره قرالک سوء تدبیری و بعض  
اصحاب اغراضک تحریری محاربه داخلیه بی انتاج ایلمسایله اهالینک  
اکثری پارلمنتو ایله بالاتفاق قرال علیهنه قیام ایدوب و پارلمنتو  
اعضاسندن (قرومول) و (اسکس) نام کسندرت تحت قو مانده سنده  
اوله رق براردو تشکیل اولوب وقوعه بولان محاربه لرده قرال طرفی

مغلوب اولمش زقرال مظهر معاونت اولورم ما موليله وطن اصلاسی  
اولان اسقو چایه فرار والتجا ایلش ایسده اسقو چبالو طرفندن  
خصما سنه تسلیم قلمش اولغله بر مدت محبوس قالدقن صکره  
پارلمتو حضورینه چقار یلوب شرائط اساسیه حکومتی طایند یغندن  
وظالم وغدار بولند یغندن بحثله قتلته حکم اولنه رق سیاستگاهه  
کوتور یلوب الت مخصوصه واسطه سیله اعدام اولمشدر  
حین اعدامده قرومول حاضر اولد یغندن قرالتک سرمق طوعنی  
انه الوب اصلا متا تراولمق سزین مستهز یانه صورتله کنج ایش دهها  
خیلی سنه معمر اوله بیلورمش دیدیکی مرویدر

اشبو وقعه غریبه تک سبب مستقلی مومی الیه قرومول اولوب  
انکلتره تاریخیجه پک مشهور اولد یغندن ترجمه حالی مختصراً  
بروجه آتی بیان اولنور.

قرومول اولد قجه معتبر بر فامیلیادن اولوب ۱۶۴۰ سنه سی مبعوثان  
ملت مجلسی اعضا لغند انتخاب اولمش ایدی. پارلمتو ایله مومی الیه  
برنجی شارل میانه سنده محاربه تحداثیتدیکی ائاده کندی اقمچه سیله  
برالای عسکر ترتیب و تجهیز وائنائی محاربهده اثبات درایت  
وشجاعت ایلسی اوزرینه سواری عسکری قوماندانلغنه تعیین  
اولندی. برنجی شارلتک انهرام واعدامنی انتاج ایدن (مارستون مور)  
و (نیو بوری) محاربه لازمی قرانه رق بین العساکر اکنساب شهرت  
ایلستندن ناشی طائفه عسکر یه بی طرفنه جلب و پارلمتو اعضا سندن  
نتیجه املنی حس ایدوب تشبثاته قارشو طور نلری قوه جبریه ایله  
طرد و تبعید ایدرلک طرفدار ی بولسان اعضا ایله بالاتفاق مومی الیه

برنجی شارلک اعدامه حکم و جمهوریتی اعلان ایلدی . امور دولت  
 اوچ سنه مقداری قرق بر اعضادن مرکب بر مجلس مخصوص  
 معرفتیه اداره اولندقدن صکره قرومول حامی جمهوریت نامیه  
 رئیس جمهور انتخاب اولمش و وفاته قدر بالاستقلال اجرای  
 حکومت ایلشدر . مومی الیه قرال متوفی حقنده هر نقدر  
 غدرایتد یسدهده رئیس جمهور اولدقدن صکره انکتره نك  
 داخل و خارجاً تزايد شان و شوکتی و تجارت و صناعت و زراعت  
 و حراثتک توفیر و توسیعی حقنده پک چوق خدمت ایلشدر .  
 بعد وفاته اوغلی ایکنجی قرومول رئیس جمهور نصب اولمش ایسدهده  
 مومی الیه پدرینک نه اوصاف مقبوله و نه اخلاق مقدوحه سیله  
 متصف و متخلق اولدیفندن اداره حکومتجه عدم اقتدارینی اکلایه رق  
 بالطوع و الرضا استعفا ایله الی اخر الامر گوشه نشین اترو اولشدر .  
 ایکنجی قرومولک استعفا سندن صکره عساکر قوماندانلرندن  
 جنرال لامبر رئیس جمهور نصب اولمغه چالشمش ایسدهده پارلمنتو  
 موافقت ایتمدیکندن طائفه عسکریه ایله پارلمنتو میانه سنده اختلاف  
 ظهورینه مبنی اسقوجا اردوسی باش قوماندانی و خفیاً قرالیت  
 طرفداری بولسان جنرال (مونق) اردوسیله برابر پارلمنتوی  
 محافظه شابعه سیله لوندرهده کلدرک کافه عساکره باش قوماندان  
 تعیین اولمش و پای تخت قبضه اداره سنه المسی اوزرینه پارلمنتویه  
 طرفداری بولنان ادملری ادخال ایله ۱۶۶۰ سنه سی جمهوریتک  
 فسخیله قرالیتک ابقاسی و قرال متوفانک اوغلی اولوب فراراً فلنک  
 طرفنده بولنان ایکنجی شارلک جاب و اجلاسی خصوصنه موفق اولدی .

(قدری)

(بقیه سی صکره)